



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Septiceps Lvthervs, Vbique Sibi, Svis Scriptis contrarius,
in visitationem Saxonicam**

Cochlaeus, Johannes

Parisiis, 1564

Genealogia sev Posteritas Et Svccessio Martini Lutheri, Quinti (si diis placet) Eua[n]gelistae, & Patris, qui genuit hos tot Euangelicos filios & familias, in orbe Christiano, Ecclesiae Dei & sibi ...

urn:nbn:de:hbz:466:1-35803

GENEALOGIA

SEV POSTERITAS ET

SUCCESSIO MARTINI

*Lutheri, Quinti (si diis placet) Euāgelistæ,
& Patris, qui genuit hos tot Euangelicos fi-
lios & familias, in orbe Christiano, Eccle-
siæ Dei & sibi mutuo repugnanteis.*



Nihil magis est secundum natu-
ram, inquit Aristoteles, quàm
ab vnoquóque gigni suū simile.
Idque non solum, nè rerum spe-
cies commisceantur, quoniam
leo procreat leonem, homo hominem : siqui-
dē, vt antiquus ait Poëta, ὅτε γὰρ ἐκ σκύλλης ῥόδον
φύεται: sed etiam ne prorsus in suo cuiusque ge-
nere sit morum ingeniique dissimilitudo, for-
tes creantur fortibus & bonis: vicissimque, vt
non inscitè Euripides, Non fit probanda pro-
les patre ex improbo. Fixa cùm hæc sit, mini-
mèq; erret in natura lex, placuit SALVATORI,
ex hac ista naturali degeneris prauæque sobo-
lis consideratione nos erigere quadam simili-
tudine ad cognitionem rei spiritualis, vt veros
Prophetas possimus, qui germana Ecclesiæ so-
boles sunt, à falsis, qui adulterina, discernere.
ex fructibus ipsorum, inquit, cognoscetis eos.
Quam ob causam verò? Nemo etenim de spi-

nis vuas colligit, nemo ficus de tribulis. Nimirum, id est, sicut nos rerum usus edocuit, quod plerūque Naturæ sequitur semina quisq; suæ. Cuiusmodi propheta Lutherus fuerit, aliundè vix vsquàm certiùs potest, quàm ex sobolis suę propagine studiisq; animaduerti. Nam cōfestim initio, vbi gloriæ laudūmq; immēsa cupidō inflamāssēt Lutherum ad struprum, ad omne genus libidinis, non defuit ilicò vetus Draco, tanquam pronubus, ac septiceps illa bestia, ipsēque adeò pseudopropheta Lutherus, tanquam parentes: Natique ex horum ore tandē sunt tres isti spiritus immundi, ranarum similes, Confessionarius, Sacramentarius, Anabaptisticus. Et quanquam hi ipsi tres immundi spiritus tanquam vulpes Philistię, capitibus longè sint latēque disiunctissimi: tamen caudis ita sunt inter sese (vt segetem Domini incendere possint) concopulati, vt nulla penè nunc reperiatur in tota Europa hæresis, quæ non aut Homologistarum, aut Sacramentariorum, aut Anabaptistarum caractere mentem gerat insignitã: ne, si cupias agnoscere, queat deesse euidentis indicium, cui ex istis tribus spiritibus quis potissimùm adhæreat m̄cipatus. Et quo propius possis certiùsque singulos illorū immundorum spirituum characteres deprehēdere, septem quidem infligit Deus propter peccata plagas mundo, sed has præcipuè in tribus Elementis exprimit, in Aqua, in Aëre, in Igni: vt constet, q̄ quo quis genere peccet, eodē soleat.

etiã diuinitus puniri. At pressius idẽ: Quia tres
sunt, qui testificantur in cælo, Pater, Verbum,
& Spiritus sanctus: & hi tres sunt vnũ. Et tres
sunt, qui testificantur in terra, Spiritus, Aqua,
& Sãguis: & hi tres sunt vnum. Hoc posterius
testimoniis genus ipsemet Christus instituit,
confirmauitque in terra, cùm aliã, tum etiam
cùm pendens in cruce, fudit Aquã & Sanguinẽ
ex latere, & emisit spiriũ, inclinato capite.
Nec dubiũ est, quin sicut Eua ex latere Adã
formata est, ita Ecclesiam formari ex latere
& spiritu Christi, quemadmodũ sanctẽ expli-
cavit Viennense concilium. Tria enim potif-
simũ hæc sacramenta scimus esse, quibus Ec-
clesia floret, baptismũ, cœnam Domini, clauis
pœnitentiæ. Signaculũ baptismi est aqua: Eu-
charistiæ mysteriũ, sanguis ex vino, quod est
aëriũ: clauium potestatem Spiritus sanctus, quem
Christus inspirauit, contulit: signũque eius
apparuit ignis in ore Apostolorum. Hoc sanẽ
triforme testimoniũ Christi, in terris iam vio-
latum atq; profanatũ est. Aquam enim bap-
tismi Anabaptistæ corruerunt, Sanguinem Do-
mini profanarunt Sacramentarij, Spiritũ Cla-
uium Homologistæ inuaserunt. Quod scelus
cœptum quidem est puniri, at nondum finis
pœnæ, siquidem nec ipsa adhuc cesset profa-
natio. Caueat, qui intelligit: Effugiat, cui patet
abitus: Executiat puluerẽ, q̄ iram Dei veretur.
Sed iam ad catalogum veniamus.

In quibus articulis Confessione
stæ successores Lutheri,
sint ac maneant
concordes.

HActenus sanè ex sectariorum, quos recen-
suimus, diuersis gregibus, satis apertè cer-
ni potest, quàm inter sese, & quibus de rebus
digladientur: Nam si omnes Augustanæ Con-
fessionis Articulos diligenter inspexeris, reli-
quos illi cunctos iampridem perpetua dissen-
sione intellectuque contrario penitè con-
uulserunt. Hos autem paucos saltem retinue-
runt vnanimi consensu omnes.

1. Quorum hic primus Articulus est, quòd
omnes sectæ volunt nunc vocari homines
Euangelici: quòd omnes gloriantur se purum
amplecti verbum Dei & Euangelium, & sym-
bola, Apostolicum & Athanasianum: quòd
verbum Dei sit per sese satis clarum atque a-
pertum, nec vlla egeat interpretatione: quòd
licitum sit mulieribus æquè, ac viris, laicis
non minùs, quàm sacerdotibus, tractare ver-
bum Dei: & quicumque scripturæ sensus cui-
que placuerit, eum pro ipso Dei verbo habe-
re atque defendere.

2. Secundus Articulus est, in quo omnes cò-
cordes sunt, quòd vniuersi pari studio ac o-
dio oppugnant Ecclesiam Catholicam: quòd

T

nullum admittunt Catholicum scripturæ sacræ intellectum: Quòd omnes habent Romanum Pontificem pro Antichristo: Episcopos, Prælatos, Sacerdotes, pro membris Sathanæ: Quòd omnes nullam ferunt Ecclesiæ constitutionem, nullas Ecclesiæ Catholicæ cæremonias: Quòd omnes æquè oderunt & oppugnant sacrificium Missæ: Quòd omnes conantur ex Ecclesia omne sacerdotium deletum atque sublatum.

3 Tertius Articulus est, in quo concordant vniuersi sectarij, quòd plerique omnes sectarum Duces, quædam confingunt de Catholicis Doctoribus mendacia, quæ persuadeant imperito populo, esse doctrinam Papisticam. Exempli gratia: Cõminiscuntur Papistas docere, quòd homines possunt gratiam Dei, iustificationisq̃ue beneficium mereri suis bonis operibus. Hoc, & generis eiusdem pleraque, iam ita persuaferunt populo, vt, etsi nemo Catholicorum vnquam sic docuerit, tamen eam absurditatem ponant tanquam certum Papisticæ doctrinæ fundamentum.

4 Quartus Articulus est, in quo etiam concordant vniuersi sectarij, scilicet quòd sit Papistica carnificina & impietas, peccata enumerare & confiteri, vllam satisfactionem suscipere, bonis operibus ex Dei gratia profectis vitam æternam velle mereri: quòd Cõfirmatio, Matrimonium, Extrema vñctio, humana in-

uenta sint, non Sacramenta Ecclesiæ. Concordant etiam in hoc, quòd nemo possit continere, & nec minus quidem, quàm saluam non expuere, vt ipsis Lutheri verbis vtar: & quòd certis diebus ieiunare, sit cultus dæmoniorum. In hisce Augustanæ Cõfessionis, quinque Euangelij articulis, sunt omnes huius seculi nostri Sectæ concordissimæ: in reliquis verò plus quàm Cadmæi fratres rixantur.

Loca, in quibus aut palàm habitent, aut clàm versentur supradicti Sectarij.

A Nabaptistæ liberè habitant & manifestò quidem in Orientali Frisia, in Prussia, maximèque circa Gedanium, Elbingam, & Regiomontem, item in Moravia & Bohemia, quanquam hìc rariores, illic frequentiores: sparsim tamen & clàm, prætextuque Lutheranicæ communionis, ad Rhenum in Belgio & Hollandia, & iam ad Danubium, & in Silesia frequentes versantur. Zuinglianorum verò latè patet regnum, & haud scio, an non latissimè. In Heluetia enim sex potiores pagos occupauerunt, & aliquam partem Sabaudia, & Geneuam, Angliam quoque & Scotiam nõ minima ex parte tenent: Quin & Palatinatum Rhenensem cœperunt nunc clàm inuadere, &

T ij

Vvittembergensem Ducatum. Augustæ Vindellicorum simulatur. Lutherus quidem, sed re ipsa regnat & viuit Zuinglius & Caluinus: qui etiã in Polonia & Galliis & in aliquibus Hungariæ locis potens est, & satellites habet: Nec Vvitteberga prorsus, nec Lipsia exulat Zuinglianismus. Rigidi & Stoici Confessionistæ Vinariense territorium obtinuerunt, & maximam Saxonix partem, Magdeburgum, Brunsvicum, Lunæburgum, Lubecam, Hamburgū, Bremam, & Daniam penè vniuersam, & Holsatiam, maximamque partem Megaloburgensis Ducatūs, & in Bauaria urbem Ratisponensem. Molles verò & Melanchthonij manifestò dominantur in Misnia, in potiore parte Franconiæ, & Norimbergæ, tum in Palatinatu superiori & inferiori, tum in aliqua etiam parte Sueuiæ, Vlmæ, & in Ducatu Vvittembergensi & Marchia. Sed mixtim in his: alij enim Flacciani esse malunt, alij Melanchthonij atque Adiaphoristæ: in Silesia autem, præsertim Vvartislauiæ & Brigæ, potiores partes tenent Vvittembergenses. Suencfeldiani sanè in Sueuia & Augustæ Vindellicorum, clàm illi quidem, sed frequētes tamen delitescunt: in Silesia inter nobiles manifestò, nec obscure Suidnicia, nec occultè Glogouia. Caput extulerunt Osiandrini in ea Prussix parte, quã Albertus Marchio habet, aguntque palàm, clàm Norimbergæ. Stancariani in minori Polonia

& Transsylvania. Pullulant enim hæ Extrava-
gantes, tanquam adhuc minorum gentium fa-
milix, mox caput prolaturæ, cum incendium
fuerit vulgi flatibus expositū. Usquequo Do-
mine irasceris in finē? Accendatur velut ignis
zelus tuus. Effunde iram tuam in gentes, quæ
polluerūt sanctum Templum tuum: Nec me-
mineris iniquitatum nostrarum antiquarum:
citò anticipent nos misericordiæ tuæ: & fac
nos omnes idem sapere, eandem habere cha-
ritatem, vnanimes idem sentire, nihil per con-
tentionem, neque per inanem gloriam, sed in
humilitate agnoscere vnum verum Deum, &
quem misisti Iesum Christum, Amen.

Obsecro vqs, fratres, per nomen Domini *1. Cor. 1.*
nostri Iesu Christi, vt id ipsum dicatis omnes,
& non sint inter vos schismata. Sitis autem
perfecti in eodem sensu & in eadem sentētia.

Mittebátque eis (Ioiaa sacerdos) Pro- *2. Par. 24.*
phetas, quos illi (Protestantes) audire nole-
bant.

Omne regnū in se diuisum, desolabitur: & *Luc. 11.*
domus supra domum cadet.

Hi sunt fontes sine aqua, & nebulæ à tur- *2. Pet. 2.*
bine exagitatae, quibus caligo tenebrarum re-
seruatur.

Dic Ecclesiæ. Si autem Ecclesiam non au- *Mat. 18.*
dierit, sit tibi sicut Ethnicus & Publicanus.

F I N I S.

Sol. in 3erw Paderb. 1651.